

**MARKING SCHEME**  
**SUBJECT: MIZO (198)**  
**CLASS: XII**  
**SESSION: 2025 – 2026**

**Section – A (MCQ)**

1.      i)      D.      Tum ruh, tlawm tum lo.  
             ii)     A.      Ramsa zia leh Pathian zia.  
             iii)    A.      Mizo hnaahthlak hnam zawng zawng.  
             iv)     B.      Lo vahna chem leh hreipui.  
             v)     C.      Hebrai.
  
2.      i)      B.      Neih ve hrim hrimah.  
             ii)     A.      Tlangval.  
             iii)    C.      Duham.  
             iv)     D.      A laklawha awm.  
             v)     A.      A hlimchhawn
  
3.      i)      C.      Vankhama.  
             ii)     B.      Chaw atan va ring ila.  
             iii)    C.      Pathianin a enkawl seilen.  
             iv)     A.      Ram intodelh leh changkang.  
             v)     B.      Thenrual tha leh in lengte an tin ang a.
  
4.      i)      C.      Lusei tawng hi a ni.  
             ii)     A.      Mihring hnam.  
             iii)    C.      Ertu leh thiktu an ngah thei hle.  
             iv)     A.      Tawrhchhelna.  
             v)     D.      Kaphleia.

**Section – B (Reading Comprehension)**

5.      NUN HLUTNA

6.      Tun dinhmunah Mizoram cheng Mizote hi India ramah HIV+ tam berna kan ni ta. Ngaihtuah ngun a ngai hle mai. Hetiang natna kai theih dan kan hrechiang vek a, chuta lo lang chu, kan nundan phung hi inenfiah a ngai hle tihna a ni. Kohhran leh khawtlangah, thianho leh chetho kan uar sia, kan kawppui lote thlengin tawngkam leh chetziaah kan inhnaihin kan innel ta mah mah niin a lang a, hei hian rilru leh taksah rinawm lohna leh inthlahdahna a thlen a, he natna inkaichhawn theihna lian ber, mipat hmeichhiatna kawngah a rukin kan che nasa tih a tilang a, innel lutuk hian rah thalo a chhuah thei a ni tih a lang ta reng a ni.

Ruihhlo lamah lah nise, kan intihhmuh a, nawmna kan duh lutuk a, mahni thawhchhuah nil ova sum leh lirthei, nawmna chi hrang hrang kan duh ve si avangin sum hlutna leh thawhchhuah harsat zia tem lovin, chawmhlawm kan nihna atangin khawvel chen kan tum a, chu chuan nunphung pangngai pelin, thil thalo leh awlsam kan dapchhuah chak phah ta fo niin a lang a, chutihlaiin ruihhloin kan ram a lo run mek bawk sia, chumi lama kal tur chuan thatchhia leh awm awlte chuan anmahni chakna tipuitling turin nasa takin hma an la ta thin a ni.

7.      Mitinin keimahni zawn theuhah hma kan sawn zel theihnan lehkhabu chhiar hi uar deuh deuh ila, chhiar zim si a intihhriat tam kan tum bawk si te hi kalsan a hun tawh a ni.

## **Section – C (Grammar)**

8. Prefix Entirna : Amah chu malsawmna hnar a ni  
Suffix Entirna : Tangkaina kawng khat tal nei rawh  
Mizo tawngah hian thu hma lama bei chi leh hnung lama bei chi kan nei a, a hma lama bei chi chu  
Prefix tih a ni a, a hnung lama bei chi chu Suffix tih a ni.
9. i) Na  
ii) Ti
10. Mizo tawngah hian adverb thumal lam nawn kan nei a, chungte chu ‘Double Adverb’ tih a ni. Double  
adverb hian a nihna a tichiangin a tifiah thei hle thin a ni.  
  
Entirna : I rinawm chuan malsawmna I dawng ngei ngei ang
11. Adjectival Adverb chu double leh double lova hman kan nei a. Mi leh thil reng reng awm dan leh an  
nihphungte min hriattir thei a ni.  
Entirna:i) Ka pu chu a vin hlur mai  
ii) Sangi chu a vin hler mai.

## **Section – D (MAIN COURSE)**

12. i) I hnenah, Vanramah awm tawh pawh nise  
ii) Sap ram nuam taka awm pawh ni ila  
iii) Kan chenna hmun hi tiang sang lamah nimahsela.  
iv) Nilengin pangpar zu thlum a dawt kual a.  
v) Thian kawm pawh ka peih lo.
13. “ Mi chawilai leng rual pawl chu kan riang mang e  
Thlangtiang nihliap kawrpui daih  
Tinkim dawna nilen chu”.  
He hla thu hi Hrawva hla, Khuanuleng chawi tih chang riatna atanga lak a ni a, fahrah  
khawngaihthlak tak chungchang hla a phuah chhuah a ni.

Fahrah nun hi a hreawm em em a, hmanlai phei chuan chhaih nawmnahte, tihduhdahte an  
tawk nasa thei hle thin a ni. An thiante nu leh pate nen tu dang ngai lova hlim taka an leng dial dial  
an hmuh te hian an awt ve em em thin a. Mamawh leh thil ei chakte pawh han nei ve se, pangchang  
taka ngen ngam na an nei ve lova rilru hrehawm takin an awm thin a ni. Sava anga thlawh a, nu leh  
pa hmuh ve ni te a her chhuak mah na tiin an ngaihtuah vawng vawng thin a ni.

He hla chang tarlanah pawh hian, he fahrah hian a nu leh pate hian a nun khawngaihthlak zia  
hi han hre ve se chuan an lainat hian a ring ve thin a, Pa pawh nei lova thiante zing a a lo sei lian ve  
nawk nawk hi an khawngaih ve a ring thin a ni. Phai ramah lehkha zirin a awm a, nu leh pate duatlai,  
an enkawllai thian a kawm ve thin avangin a khua a har bik thei e mem a, khawhar leh mal ngawih  
ngawih nia inhriain a hun a hmang thin a ni.

14. Mizo nun kan sawi hian Val upate tlawmngaihna leh ropuina hi lam hmaih theih a ni lo fova. Chu chuan huaisennate, taimaknate, chhelnate, finnate leh remhriatnate a huam vek a. Heng baka la pawimawh ta fo chu mi khawngaih theihna leh lainatnate, hriatthiamnate, thuhnuairawlhnate, pamham lohnate, hloh leh chan ngamnate hi a ni. Hengte hi val upa nihna a bet tlatte an ni. Mipui mimirin an thlamuanpui a, dinhmun pawimawh tak anih avangin chak ve vanga neih ngawt theih erawh a ni lo, chhungkua vang pawha neih theih a ni lova, harsatna tinreng paltlanga, dinhmun hniat taka awmte pawh dawmkangtu dinhmun anih avangin an zah em em a, an ngaisang bawk a ni.

15. Thil mak tak chu mitdelte hian an beng hriatnate a chhiat lohva, an hriatna dangte a nih dan tur pangngai ang taka a la awm a nih rau rau chuan, an mit a del hma aiin nasa takin an mitdel hnuah chung kaltlanga an hriatnate chu a pung sauh thin a ni.

Mitdelte hriatna thatzia hi awihawm loh khawp hial a ni thei. Thil chhutte hi an chak em em a, mi ke pen ri ringawt atangin tunge an nihte an hre thei a, an aw then dan atangten mi an hre hrang thei a. Khual khua a chhungkhat lainate pawh an aw ri atangin an hmingin an ko nahl nahl thei a ni. Thenkhat phei chu an kut hian rawng chi hrang hrang hi a thliar thei emaw tih khawpin an hriatna hi a tha a ni.

16. Eng ang a lehkha thiam pawh ni mah ila, nungchang mawina nen a tan kawp loh chuan thil ho mai a ni a. Thatna leh dikna leh rinawmnate nen then hran hleih theih loh khawp a a infin loh chuan a hlu tak tak lova, mi awhawm a tling tak tak thei hek lo. Thiamnate hi thangchhuah diar anga hman tur a ni lova, lo vahna chem leh hreipui anga hman tur a ni zawk a. Pulpit a lawnpui atan leh nghawngawrh nena dawhkan hnum tak kilpui nan chauh a ni hek lova, hlo thlawnan “Kawltu” kan chhawr anga hmanrua a ni zawk bawk. Thangchhuah puan anga mi zinga chapo tak leh mi zah ngiata sin chhuah aiin “Hnathawh Kawr” atan hman zawk tur a ni.

17. Mizo hnaithlak hnamte chu tam hle mah se, chi 6 chauhvin a khaikhawm theih a. Lusei leh hmar, Ralte leh Paite, Pawi (Lai) leh Lakher (Mara) te hi an ni.

18. Pianphung that vanga thahrui ngah emaw, Tharum huaisenna ringawt hi huaisenna ber a ni lova, huaisenna chi dang, a nuam emaw, a hrehawm emaw pawh a huaisenna a awm a, chu chu tawrhchhelna a ni. Amaherawhchu, tawrhchhelna pawh chu taksa tana tha lo, inhliamna nasa tak thlentu a ni thei bawk. Chuvangin, chhia leh tha hriatna atanga thil hrehawm leh hlauhawm hre chiang zeta tawrhchhelna hi huaisenna dik tak a ni. Rannunte leh naupangte hian hlauhawm an hriat loh avangin huisen an ni thei lo. Chemte hriam naupangin a khawih a, huisen vanga khawih a ni lova, a hlauhawm zia a hriat loh vanga khawih a ni zawk. Chuvangin tharum chakna leh tharuma huaisenna ringawt hi huaisenna dik ber a ni lo tih kan hre thei awm e.

#### Section – E (WRITING)

19. Mizo piputen hla an phuah chhuah hmasak ber nia lang chu Tlar Hnih Hla (couplet) a ni a, chutah chuan hla chi hrang hrang a awm leh a, chungte chu Nau Awih hlate, Dar hlate, Hladote, Bawh Hlate, Sa lu lam Zaite, Thuthmun Zaite a ni.

Zosap, Pu Buanga leh Sap Upaten Mizo tawng ngun taka an zir hnuin Bengali hawrawp hman aiin Roman hawrawp a Mizo hawrawp siam chu tha zawkin an hria a. Tichuan an lo siam ta a. Mizo hawrawp an siam ni leh thla chiah hi record hlui hmuh a ni rih lova. Pu Buanga hian “A AW B thar chu ni 1 April 1894 atangin an zir tan” ti a a record avang leh “Ni 2 April 1894 ah sikul tur di in te takte an sak thu” a lo ziah thlap avangin Mizo A AW B hi March 1894 vela an siam ni in a rin theih a ni.

20. Chhingpuii thawhthu atanga kan hriat angin, tukthuan ei kham chuan Buangtheuva khaw tlangval sai ram chhuak tur chu kawtchhuahah an innghakkhawm a. Silai an tung tlep tuar mai a, an bawmte chu a nghan thluah a. An hotu pakhat chuan, “Kan kim tawh a ni lawm ni, kal zai rel tawh ang hmiang,” a ti a. Sawmhnih lai an ni a. Hring an hnawl a, “Hnam tin hring kir rawh,” an ti a, silai an kap a, an kal ta a. Buhfai zan sawm riak an ak a, an kal ta thluah thluah a. Kaptluanga chuan kawrbel lianpui pakhat a keng a, a hmasa lam ah a kal a.

Tlangval huisen rualte ram chhuak, a nthum ni chuan sai ram chu an thleng a, sai hnuhma chu a lo awm sel sul a, a hniate chu a lo phut dup mai a. Tleirawl ram la chhuak ngai lote chu an harh sawt a, sai hmuh mai tumin an mit an len a. A ni li ni chuan sai enthla tur an insiam a. Maupui hmun hnuaiah chuan sai tluangte chu a kaw riak ruak mai a, a mau pawh thlerahte chuan tho a fu dum khep khup mai a. Tukthuan ei kham veleh chuan sai kap tur panga, zen ngah deuh deuh an in thlang a, a rem phawt chuan a pachal ber tum bikah an ti bawk a.

Sai bul an va thlen chuan a pachal ngo chhuak vurh mai leh a padawp lian zet mai kah rem em em mai an va hmu a. An han kap ta a le, an tlan darh ta chum chum mai a. Mual tin maiah chuan a khat tawkin silai a ri chur chur reng a. A ni khat ni hian an sai kah hi an thi mai lova, a tukah an va bei tha leh a an kap hlum ta a ni. An riahna hmunah chuan sa repna sei tak an siam a, sai sa chu lungthu tiain an chan a an rep ta vut vut mai a ni. Heng an sarepte hi kawng thui tak zawhin, anmahni khaw lamah an phur haw thin a, chu chu an nunphung atan a pawimawhin, ei leh in mai bakah an damkhawchhuahna atan a pawimawh em em a ni.

.....